

UGOVOR O PRUŽANJU USLUGA OSIGURANJA IMOVINE

Dana 04.05.2017. godine u Sarajevu, zaključili su slijedeće

BOSNA SUNCE OSIGURANJE d.d. Sarajevo – Podružnica Sarajevo, ul. Trg međunarodnog prijateljstva br. 20 Sarajevo, koju zastupa direktor Podružnice Alen Hujčić, s jedne strane (u daljem tekstu: OSIGURAVATELJ)

i
JU TERAPIJSKA ZAJEDNICA – KAMPUS KANTONA SARAJEVA, ul. Kešelji bb Rakovica, koje zastupa direktor, Kenan Kestendžić (u daljem tekstu: UGOVARATELJ OSIGURANJA)

I. PREDMET UGOVORA

Član 1.

Predmet ovog Ugovora je pružanje usluga:

Predmet ovog Ugovora je pružanje usluga osiguranja imovine od osnovnih i dopunskih opasnosti za objekat, opremu, namještaj i strojeve, a sve prema ponudi Osiguravatelja broj 17533110.

Član 2.

Imovina iz člana 1. ovog Ugovora osigurava se prema zaključenim policama osiguranja koje čine sastavni dio ovog Ugovora.

Obaveze OSIGURAVATELJA po osnovu osiguranja nastupaju izdavanjem police u kojoj su navedene osigurane svote za svaki od rizika iz člana 1. ovog Ugovora.

II. PREMIJA OSIGURANJA I NAČIN PLAĆANJA

Član 3.

Ugovorena ukupna premija osiguranja imovine iznosi **3.554,36 KM.**

Plaćanje ugovorene premije osiguranja iz ovog Ugovora će se vršiti na slijedeći način:

- OSIGURAVATELJ će UGOVARATELJU OSIGURANJA ispostaviti fakturu, u skladu sa izdatom policom osiguranja po cjelokupnom iznosa osiguranja iz ovog Ugovora;

-UGOVARATELJ OSIGURANJA se obavezuje ugovorenu premiju osiguranja platiti virmanom u dvije rate do 31.12.2017 godine a u skladu sa sporazumom o obročnom plaćanju.

Član 4.

UGOVARATELJU OSIGURANJA se obavezuje da će izvršiti isplatu po prijemu fakture, a u roku od maksimalno 15 dana od prijema fakture od strane OSIGURAVATELJA, a u skladu sa trezorskim poslovanjem i planom otplate.

Osiguravatelj je saglasan da Osiguranik neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje.

Član 6.

OSIGURAVATELJ se obavezuje da će UGOVARATELJU OSIGURANJA-OSIGURANIKU pružiti usluge osiguranja, kako je navedeno u članu 1. ovog Ugovora, a prema prihvaćenoj **ponudi OSIGURAVATELJA broj 17533110.**

Osiguranje će se vršiti u skladu s OSIGURAVATELJEVIM Općim i Dopunskim Uvjetima za pojedine vrste osiguranja, koji su sastavni dio pojedinih Polica i sastavni dio ovog Ugovora.

Ukoliko postoje neslaganja između odredbi Uvjeta i ovog Ugovora, primjenjivat će se odredbe ovog Ugovora.

Član 7.

Prava i obaveze UGOVARATELJA OSIGURANJA – OSIGURANIKA i OSIGURAVATELJA, kao i postupak naknade štete detaljno su razrađeni u Općim i Dopunskim Uvjetima za pojedine vrste osiguranja, koji su sastavni dio pojedinih Polica i sastavni dio ovog Ugovora.

III. PRIJELAZNE I ZAVRŠNE ODREDBE

Član 8.

Ovaj Ugovor se zaključuje na period od godinu dana počev od 06.05.2017. godine do 06.05.2018 godine, s mogućnošću produženja.

Ukoliko se jedna od ugovornih strana ne pridržava odredbi ovog Ugovora, druga ugovorna strana ima pravo na raskid ovog Ugovora pisanim putem uz otkazni rok od 30 (trideset) dana.

Ugovorne strane su saglasne da će u i slučaju otkaza dovršiti sve započete poslove i izvršiti sve međusobne obaveze koje su preuzele prije otkaza ovog Ugovora.

Ugovorne strane se obavezuju da će sve podatke koji se odnose na međusobno poslovanje , kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

U cilju unapređenja poslovnih odnosa, tokom trajanja ovog Ugovora ugovorne strane mogu odredbe Ugovora mijenjati, dopuniti ili druge poslove regulirati sporazumno putem Aneksa ovog Ugovora, ili putem posebnih Sporazuma, s tim da sve promjene proizvode pravni učinak ako su sklopljene u pisanom obliku i potpisane po ugovornim strankama.

Član 9.

Za sva ostala pitanja koja nisu regulisana odredbama ovog Ugovora primjenjivat će se odredbe Zakona o obligacionim odnosima.

Član 10.

Ugovorne stranke suglasne su da sva eventualna sporna pitanja rješavaju sporazumno, a u slučaju spora, ugovara se nadležnost stvarno nadležnog suda u Sarajevu.

Član 11.

Ovaj Ugovor je sastavljen u (4) četiri istovjetna primjerka od kojih svaka strana zadržava po (2) dva.

Član 12.


Ovaj Ugovor stupa na snagu danom potpisivanja ugovornih strana.

OSIGURAVATELJ:
Bosna Sunce Osiguranje DD
SARAJEVO



Broj: 175 33/173
Sarajevo, _____ 2017. godine

OSIGURANIK:
TERAPIJSKA ZAJEDNICA
KAMPUS KANTONA
SARAJEVO



Broj: 35-06-07-39/17-4
Sarajevo, 04.05.2017. godine